



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 64. Opponentes per Pontificis sententiam a fidelium communione separati.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

quemadmodum in tanta hujusce negotii Sæc. XVIII.  
 asperitate maximo Nobis solatio fuit, A. C. 1718.  
 quod Gallicanorum Episcoporum cæ-  
 tum pietate, & sapientia illustrium in-  
 dissolubili filialis obsequii vinculo Apo-  
 stolorum Principis Cathedræ conjun-  
 ctum videremus &c.

§. LXIV.

*Opponentes per Pontificis sententiam  
 a fidelium communione separati.*

Postea Pontifex sententiæ, qua Op- Act. publ.  
 ponentes ab Ecclesiæ communione Const. p. 416.  
 segregavit, die vigesima octava Augusti Bull. Magn.  
 nomen suum apposuit, hancque Bul- Clem. XI.  
 lam octava Septembris die publice Ro- pag. 205.  
 mæ in acie Campi Floræ, aliisque con-  
 suetis locis affigi jussit. Erat autem  
 illius titulus: *Clementis divina Providen-  
 tia Papæ XII. literæ ad universos Christi  
 fideles datæ adversus eos, qui Constitutioni  
 Sanctitatis suæ, quæ incipit: Unigenitus,  
 anno incarnationis Dominicæ 1713. sexto  
 Idus Septembris editæ, debitam obedientiam  
 præstare hætenus recusarunt, aut in po-  
 sterum recusaverint.* In hac tamen Bulla  
 Pontifex provide nec Noaillium nec  
 alios nominabat, partim ut eorum fa-  
 mæ parceret, partim ut si interea obe-  
 dientiam præstitissent, hac pœna com-  
 prehensi, non censeantur. Hujus vero  
 Constitutionis tenor erat sequens:

Zz 3

„Pa-

Sæc. XVIII.

A. C. 1718.

„Pastoralis Officii, quod superni di-  
 „spositione consilii gerimus, cura Nos  
 „admonet, ut animarum saluti ubique  
 „terrarum procurandæ, ac præsertim  
 „orthodoxæ fidei, sine qua impossibile  
 „est placere Deo, puritati servandæ  
 „omni studio advigilemus. Eapropter  
 „cum in quibusdam ultra montes Pro-  
 „vinciis & præcipue in Regno Gallie  
 „amplissimo, varia pravæ doctri-  
 „narum, imo hæresum, semina occu-  
 „sione damnati cujusdam libri Gallico  
 „idiomate jam pridem editi, sub titulo  
 „*Novum Testamentum cum reflexionibus* &c.  
 „germinare cognovissemus, iisdem er-  
 „dicandis, nostri non minus muneris  
 „debito admoniti quam crebris multo-  
 „rum Catholici Orbis, ac præsertim  
 „Gallie Episcoporum precibus excitati,  
 „quin etiam piis, ac sæpius repetitis  
 „clar. mem. Ludovici decimi quarti  
 „dum vixit Francorum Regis Christi-  
 „anissimi votis & officiis adducti, quæ  
 „cunque potuimus Apostolicæ notitiam  
 „solicitudinis partes, adjuvante Deo  
 „mino, interponere non prætermis-  
 „mus.„

„Quæ autem & quanto in hoc  
 „duo gravissimoque negotio per plures  
 „annos egerimus & passi sumus, quæ  
 „inobedientium hominum & paucorum  
 „(quod valde dolenter dicimus) illorum  
 „stru-

„firium etiam Ecclesiarum ! Antistitum Sæc. XVIII.  
 „veritati non acquiescentium opera in A. C. 1718.  
 „idem inclytum Regnum mala prove-  
 „nerint, Vobis fere omnibus (minime  
 „ignota esse existimamus. Postquam  
 „siquidem, divino imprimis implorato  
 „præsidio, curaque omni, studio, ac  
 „labore, prout rei gravitas exposcebat,  
 „diutissime collatis, adversus prædi-  
 „ctum librum Constitutionem nostram,  
 „quæ incipit *Unigenitus Dei Filius*, an-  
 „no incarnationis Dominicæ millesimo  
 „septingentesimo decimo tertio, sexto  
 „Idus Septembris, editam promulga-  
 „vimus; in qua plures noxios articulos  
 „ex eodem libro excerptos censuris va-  
 „riis, quas respective, ut ajunt, hoc  
 „est, singuli aliquam saltem earum me-  
 „rebantur, notatos pro hujus sanctæ Se-  
 „dis more proscripsimus, cujusmodi re-  
 „medii necessitatem tum memoratus  
 „Ludovicus Rex, tum plerique ex Gal-  
 „lia Episcopi suprascripti iteratis obte-  
 „stationibus inculcaverant, non aliter  
 „suborta dissidia sedari posse, constan-  
 „ter affirmantes, tota quidem Christi  
 „Ecclesia Petrum per nos, tametsi in-  
 „dignos loquentem secuta, Apostoli-  
 „cam ejusmodi Constitutionis Doctri-  
 „nam debito obsequio, atque obedien-  
 „tia suscepit, At Novatores, qui se-  
 „quuntur spiritum suum, & nihil vi-  
 „dent,

Sæc. XVIII. „dent, ex inconsulta eorumdem pau-  
 A. C. 1718. „corum Antistitum hæsitacione ita a-  
 „nimos extulerunt, ut incredibili au-  
 „dacia Constitutionem ipsam perverte-  
 „interpretari, & incessere, prævæque  
 „etiam Doctrinæ per impudentes ca-  
 „lumnias insimulare non erubuerint.  
 „Itaque ut reluctantes illos Episcopos,  
 „ad sectanda Fratrum suorum vestigia  
 „excitarem, ac turbaram, malo-  
 „rumque omnium fomitem, quem im-  
 „provida illa cunctatio ministraverat,  
 „extingueremus, canonicas animad-  
 „versiones post diuturnam trium annorum  
 „longanimitatis experimenta adhibere  
 „constitueramus. Verum venerabiles  
 „Fratres nostri S. R. E. Cardinales qui-  
 „buscum rationem consilii nostri com-  
 „municare æquum esse censuimus, Nos  
 „enixe obsecrarunt, ut paulisper severi-  
 „rioribus remediis supersedere velle-  
 „mus, dum interim communibus liti-  
 „ris Collegam suam Constitutioni no-  
 „stræ sese subicere detrectantem, et  
 „que iisdem propterea animadversioni-  
 „bus obnoxium ad veritatis & paci-  
 „consilia revocare conarentur. Eorum  
 „igitur precibus annuentes, ne quæ  
 „lenitatis viam intentatam relinquere-  
 „mus, per illas ipsas inducias Nos quo-  
 „que ad universos Archiepiscopos &  
 „Episcopos Regni Galliarum literas in-  
 „scripsimus, ut illis quoque  
 „foc

„forma Brevis die 20. Novembris 1716. Sæc. XVIII.  
 „expeditas dedimus, quibus rerum ge- A. C. 1718.  
 „starum serie, & Ecclesiarum pertur-  
 „batione uberius exposita, illos hor-  
 „tati sumus, ut dissentientes Coepisco-  
 „pos suos nostro etiam nomine conve-  
 „nirent, eosque officii sui fraterna cha-  
 „ritate admonerent, necnon omnibus  
 „sacerdotalis sollicitudinis argumentis,  
 „imploratoque nostris etiam verbis,  
 „dilectissimi in Christo Filii nostri Phi-  
 „lippi Ducis Aurelianensis ejusdem Re-  
 „gni Rectoris, Patrocinio ad reparan-  
 „da Ecclesiasticæ unitatis & disciplinæ  
 „detrimenta, atque ad avertenda Ca-  
 „tholicæ Religionis pericula flectere sa-  
 „tagerent. Speravimus quidem uberem  
 „ex ejusmodi nostris literis fructum,  
 „junctoque Nobiscum præclarissimorum  
 „Galliæ Præsulum Zelo, qui maximo  
 „sane numero pro veritate certabant,  
 „factum iri credidimus, ut Dissidentes  
 „Fratres, quod Nobis adeo in votis  
 „erat lucari possemus. Ast spe no-  
 „stra frustratos confestim Nos vidimus,  
 „dolentesque clamare coacti sumus:  
 „sustinuimus pacem, & non venit, quæ-  
 „sivimus bona, & ecce turbatio, &  
 „sane tam gravis, ut qui ex adverso  
 „erant, illas ipsas nostras & hujus  
 „sanctæ Sedis voces variis artibus pene  
 „intercludere tentaverint. Neque pro-  
 „fecto

Sæc. XVIII. „fecto felicius cesserunt officia illa, que  
 A. C. 1718 „Cardinales prædicti per impetratas  
 „Nobis, ut diximus, inducias præsti-  
 „terunt. Quamquam enim communis  
 „totius sacri Collegii Epistola, sua-  
 „siones, consilia, obsecrationes, atque  
 „omnem ministerii sui, fraternæque be-  
 „nevolentix fidem, sedulitatem ac solli-  
 „citudinem adhibuissent, frustra se ta-  
 „men laborasse intellexerunt, neque  
 „aliud, præter inanes scandalorum ac  
 „diffidiorum exostulationes, sed sine  
 „voluntate veram amovendi causam,  
 „unde illa emerferant, operæ suæ fru-  
 „ctum reportarunt. Non tamen pro-  
 „pterea concidimus animo, imo nec-  
 „dum a mitioribus consiliis recessimus:  
 „nihil interim curantes, quomodo ho-  
 „mines hunc modum agendi nostrum  
 „interpretarentur, quippe qui sciremus  
 „Deo æque per infamiam & bonam fa-  
 „mam serviendum esse. Itaque, ut  
 „aberrantes in viam justitiæ suaviter  
 „revocaremus, iteratis sæpius hortati-  
 „onibus nostris, etiam preces addi-  
 „dimus, eundemque in scopum, privatis  
 „literis manu nostra conscriptis, et  
 „omnia paterna mansuetudinis officio  
 „implevimus, quæ suggerere nobis po-  
 „tuit Christiana charitas, quæ patiens  
 „est, benigna est, omnia suffert, omnia  
 „sustinet. Plures interea Gallicanæ  
 „Ante

„Antistites non minus sapientia & do- Sæc. XVIII.  
 „ctrina, quam pietate ac studio tuendæ A. C. 1718.  
 „Religionis illustres, ex iis scilicet,  
 „qui debita submissione Constitutionem  
 „nostram amplexi fuerant, dignitatis  
 „& muneris sui probe memores, votis-  
 „que & officiis nostris obsecundantes,  
 „favente etiam eorum conatibus me-  
 „morato Philippo Duce ac Rectore, cu-  
 „ras omnes suas, assiduosque labores  
 „ad discordantium fratrum animos per-  
 „movendos enixe conferre non omise-  
 „runt. Sed hæc omnia prosperum illum,  
 „quem summopere postulabamus exi-  
 „tum minime habuerunt, obscurati fi-  
 „quidem renitentium oculi, ne vide-  
 „rent, & obturatæ sunt aures, ne  
 „audirent, adeo ut nonnulli eorum,  
 „non sine bonorum omnium luctu, ho-  
 „stiumque Ecclesiæ plausu, ad ea insu-  
 „per publice devenire ausi fuerint, quæ  
 „omnes ex vobis, quibus illa innotue-  
 „runt, improbasse non dubitamus, quæ-  
 „que ipsimet, qui ea perpetrarunt, a No-  
 „bis & a sancta Romana Ecclesia palam  
 „atque perpetuo damnanda, atque exe-  
 „cranda esse non ignorabant. Quare  
 „nos, qui supremo divini Pastoris Man-  
 „dato deesse non possumus nec debe-  
 „mus, quo & illius oves pascere, & fra-  
 „tres nostros confirmare præcipimur,  
 „animo nobiscum reputantes, quod Ver-  
 „bum



Sæc. XVIII. „bum Dei non est alligatum, postquam  
 A. C. 1718. „diu tentatis inutiliter consiliis pacis  
 „hucusque siluimus, adhuc ulterius ta-  
 „cere nobis non tutum, Christiano au-  
 „tem populo perniciosum fore cense-  
 „mus. Ad vos proinde omnes ex una-  
 „quaque Natione, quæ sub cælo est,  
 „Christifideles, paternas voces nostras  
 „dirigimus, quo primum quidem do-  
 „loris nostri participes, vestras nobis-  
 „cum ad Deum preces deferatis, &  
 „superna gratia aspirante, qui hæte-  
 „nus contumaces fuerunt, non jam ul-  
 „terius alta sapientes, sed humilibus  
 „consentientes ad debitam cum ceteris  
 „Christifidelibus in sana catholicaque  
 „doctrina profitenda veniant unitatem.  
 „Hoc nempe ex animo unice quaerimus,  
 „hoc dies noctesque, nec sine lacri-  
 „mis a Domino imploramus: Neque e-  
 „nim oblivisci potest mulier infantem  
 „suum, nec sancta Romana Ecclesia fi-  
 „lios suos. Deinde ne quis Christia-  
 „num populum seducere pergat inani-  
 „bus verbis, vos omnes, ut necesse est,  
 „monitos volumus, & certos facimus,  
 „quod frustra, & quidem non sine fe-  
 „mento malitiæ & nequitia, istius-  
 „modi homines nobiscum in doctrina  
 „Religionis consentire se jactant, dum  
 „interim heterodoxorum exemplo præ-  
 „eunte, editam a Nobis Constitutio-  
 „nem

„nem, quam universa Ecclesia venera- Sæc. XVIII.  
 „tione debita complectitur, non modo A. C. 1718.  
 „alienis ab ipso verborum tenore inter-  
 „pretationibus, sed & apertis calum-  
 „niis superinductis maligne carpere  
 „audent, & immanium errorum accu-  
 „satione perstringere, perinde ac si ipsi  
 „soli, aliis Christi fidelibus ubique gen-  
 „tium desipientibus, saperent, ipsi soli,  
 „reliquis cæcutientibus, lumen verita-  
 „tis aspicerent. Nec profecto minor  
 „est illorum culpa, qui ut facilius in-  
 „cautis illudant, cum hæc ipsa mo-  
 „liuntur, eidem Constitutioni nostræ ne-  
 „quaquam adversari, sed solas decla-  
 „rationes, in rebus tamen apud cæte-  
 „ros omnes plane perspicuis, postulare  
 „se simulant, non quidem discere sed  
 „tentare cupientes, ut Ecclesiam, si  
 „possint, quæstionibus inutilibus, &  
 „interminatis immisceant, & luci Ca-  
 „tholicæ veritatis tenebras, quoquo  
 „modo obscuritatis offundant. Ita sane  
 „patientia nostra abutentes, Apосто-  
 „licæ auctoritati obsequium ac reveren-  
 „tiam se exhibere gloriantur illo ipso  
 „tempore, quo ei gravissimam infe-  
 „runt injuriam, iisdem siquidem ex-  
 „plicationum petitionibus satis aperte  
 „ostendunt, ideo se Constitutioni no-  
 „stræ debitam obedientiam nondum  
 „præstitisse, quia verentur, ne per illam  
 „Catho-

Sæc. XVIII. „Catholica dogmata convellantur: ne  
 A C. 1718. „laudabilis, & ab hac sancta Sede pro-  
 „bata Ecclesiastica disciplina infringa-  
 „tur: neque demum salubriores Chri-  
 „stianorum morum regulæ subvertan-  
 „tur, quod plane idem est ac vereri,  
 „ne defecerit fides Petri, & tota Christi  
 „Ecclesia Magisterio Apostolicæ vocis  
 „imbuta a via veritatis & salutis erra-  
 „verit. Præterea, ut pessimæ causæ  
 „splendidum patrociniū concilient  
 „præfatæque Constitutioni majorem  
 „undecumque invidiam faciant, se ab  
 „ea suscipienda retardari affirmant, eo-  
 „quod suspicentur per illam damnari  
 „sententias atque doctrinas, quas infi-  
 „gnes Catholicorum scholæ absque ulla  
 „Censura hæctenus tenuerunt, ac tra-  
 „diderunt; cum tamen nisi ab antiquis  
 „semitis, sanctorumque Patrum vetu-  
 „stis, imo & ab earumdem scholarum  
 „instituto, quod verbis profitentur, re-  
 „ipsa recessissent, probe reminisci debe-  
 „rent, quod illorum Principes, quo-  
 „rum nomina pertinaciæ suæ temere  
 „prætendunt, quemadmodum & cæteri  
 „illustriores Ecclesiæ scriptores, suum  
 „semper esse duxerunt, ut ab Apo-  
 „stolica Sede discerent, quid credere  
 „quid tenere, quid docere debeant  
 „ut ad illam scripta sua examinanda  
 „& emendanda dirigerent, ut inde le-

Sæc. XVIII.  
A. C. 1718.

„men Catholicæ fidei reciperent, ubi  
 „non posset fides ipsa sentire defectum,  
 „ut nemo eorum denique suam senten-  
 „tiam adversus Petri auctoritatem de-  
 „fenderet. Cæterum in hoc ipso judi-  
 „cio præpostero consuetum calumniandi  
 „morem non derelinquunt; nisi enim  
 „excæcarent eos malitia eorum, ac nisi  
 „diligenter magis tenebras quam lu-  
 „cem, ignorare non deberent senten-  
 „tias illas, ac doctrinas, quas ipsi cum  
 „erroribus per Nos damnatis confun-  
 „dunt, palam & libere in Catholicis  
 „scholis, etiam post editam a Nobis  
 „memoratum Constitutionem, sub ocu-  
 „lis nostris doceri, atque defendi, il-  
 „lasque propterea minime per eam  
 „fuisse proscriptas. Verum supercecidit  
 „ignis contentionis & æmulationis, &  
 „non viderunt solem lucidissimæ veri-  
 „tatis, hinc justo Dei iudicio ambu-  
 „lantes in tenebris, nesciunt plane quo  
 „vadant, scandalum siquidem de Con-  
 „stitutione nostra comminiscuntur, sed  
 „seipsos potius de pervicaci sua inobe-  
 „dientia scandalum facere non agno-  
 „scunt, sacrosanctam Episcopatus di-  
 „gnitatem exaltare, se velle declarant,  
 „sed reipsa deprimunt, dum interim  
 „fraternitatem ipsi contemnunt, auda-  
 „cissimæ inferioris Cleri rebellionem fo-  
 „mentum tribuunt, universumque or-  
 „dinem

Sæc. XVIII „dinem Ecclesiasticum Laicis tribuna-  
 A. C. 1718. „libus, vel in ipsa Religionis causa in-  
 „decere ac perperam subijci non atten-  
 „dunt. De veteris, ac novæ legis di-  
 „scrimine tanquam de re ipsis solis per-  
 „specta, multa plerumque inutiliter di-  
 „sputant, novæque præstantiam, quam  
 „omnes agnoscunt & profitentur, in-  
 „culcare non desinunt, utriusque ta-  
 „men legis plenitudinem, quæ est di-  
 „lectio, minime observant, charitatem  
 „nulli impensius laudant, nulli impu-  
 „dentius violant. Divinæ gratiæ vir-  
 „tutem prædicant, quam Catholicus  
 „nullus negat, sed damnatis erroribus  
 „faventes spiritui Gratia contumeliam  
 „faciunt, vel consentiunt facientibus,  
 „adhuc specioso quodam ementis le-  
 „veritatis amictu se contegentes, ri-  
 „gidioris doctrinæ gloriam captare non  
 „cessant, instituendæque in melius Chri-  
 „stianorum vitæ, & ad Normam Evan-  
 „gelii componendæ Zelum magnificum  
 „ostentant. Quare nos perniciosam  
 „hanc larvam, quæ animabus pretiosis-  
 „simo Christi sanguine redemptis ce-  
 „tum parare posset exitium, palam de-  
 „trahere, urgente Nos Apostolici Ma-  
 „nisterii debito, volentes, ipsos pro-  
 „mum aberrantes Fratres, ut alias sæpe  
 „privatim fecimus, publice modo, ob-  
 „coram universa Ecclesia monitos faci-  
 „mus.

„mus, ne sibi ulterius de falsa exactio-  
 „ris disciplinæ fama blandiantur. Ne-  
 „que enim vera virtus absque humili-  
 „tate, pietas absque obedientia, Chri-  
 „stiana demum perfectio absque cha-  
 „ritate potest consistere. Porro quæ  
 „humilitas? sensum proprium, com-  
 „muni Fratrum sententiæ, quin & su-  
 „premæ Beati Petri Cathedræ judicio  
 „obstinate præferre? quæ obedientia  
 „Apostolicis definitionibus reluctari?  
 „quæ tandem charitas, injuriis & contu-  
 „meliis agere, iras, rixas, & conten-  
 „tiones ubique disseminare? agnoscant  
 „igitur, divini luminis irradiante ful-  
 „gore, quam gravibus coram Deo, &  
 „Ecclesia reatibus, & periculis invol-  
 „vantur. Meminerint scriptum esse,  
 „quod quasi peccatum ariolandi est, re-  
 „pugnare, & quasi scelus idololatriæ  
 „est, nolle acquiescere. Omnipotentis  
 „Dei, qui superbis resistit, tremendum,  
 „& imminens sibi judicium timeant,  
 „Ecclesiæque pacem simul & Reipu-  
 „blicæ tranquillitatem perturbare tan-  
 „dem aliquando desistant. Reliquos  
 „deinde vos omnes per universum ter-  
 „rarum orbem Apostolicæ fidei cultor-  
 „es paterne admonemus, requirimus,  
 „& obtestamur, ut ad eos, qui veniunt  
 „ad vos, in vestimentis ovium, probe  
 „dignoscendos, certissimam illam,  
 „quam  
*Hist. Eccles. Tom. LXIX. Aaa*

Sæc. XVIII.  
 A. C. 1718.

Sæc. XVIII. „quam Dominus ac Salvator Noster Nobis  
 A. C. 1718. „reliquit, Regulam adhibeatis, videli-  
 „cet, ex fructibus eorum cognoscetis eos,  
 „Qui autem fructus ipsi sunt, ex eorum,  
 „qui Constitutioni nostræ sese submittere  
 „renuerunt, contumacia provenientes,  
 „toti jam pene Christiano orbi nimium  
 „perspecti sunt, & manifesti, de illis  
 „propterea ne acerbissimi doloris nostri  
 „vulnera refricemus, prolixius eloqui  
 „libenter abstinemus. Nolite ergo, filii  
 „dilectissimi, vosque potissimum, qui, ut  
 „loco ita & periculo propinquiores estis,  
 „nolite effici, participes eorum, nolite  
 „omni spiritui credere, doctrinis va-  
 „riis, & peregrinis nolite abduci, sed  
 „sanam & Orthodoxam sanctæ Roma-  
 „næ Ecclesiæ Doctrinam, quæ sacrum  
 „fidei depositum, intemerate servat,  
 „tuto sequimini, & firmiter custodite.  
 „Nos vero, quos cæteris Zelo Domus  
 „Dei non minus, quam dignitate præ-  
 „ire oportet, ut ingruentium tot mi-  
 „lorum gravitati quantum rerum  
 „temporum præsens conditio patitur  
 „opportune occuramus, præsertim  
 „Pastores errantes, & in errorem mi-  
 „tentes, dispergere, & dilacerare gre-  
 „gem Domini, nemine cohibente, præ-  
 „sequantur. Neve oves Christi, Nobis  
 „tacentibus, rapi in præcipitia se-  
 „nant, universis Christi fidelibus, qui  
 „interim gravissima in hac re Nos agere  
 „duxerunt.

Sæc. XVIII.  
A. C. 1718.

„duxerimus, palam edicere ac decla-  
 „rare statuimus. Noverint ergo om-  
 „nes, qui ubicunque terrarum Catho-  
 „lico nomine gloriantur, Nos, qui *Uni-*  
 „*geniti Filii Dei*, & Salvatoris nostri  
 „Jesu Christi vices, nullo licet merito-  
 „rum nostrorum suffragio, in terris geri-  
 „mus, eos omnes, cujuscunque sta-  
 „tus, gradus, ordinis, & conditionis  
 „illi sint, etiamsi Episcopali, Archi-  
 „episcopali, aut alia qualibet, etiam  
 „cardinalatus dignitate præfulgeant,  
 „qui memoratæ Constitutioni nostræ  
 „debitam & omnimodam obedientiam  
 „præstare hæcenus recusarunt, aut in  
 „posterum recusare ausi fuerint, ut ve-  
 „ros sanctæ Ecclesiæ Romanæ filios non  
 „agnoscere: neque ut nobis, & Beati  
 „Petri cathedræ, quod falso autumant,  
 „adhærentes & consentientes, sed con-  
 „tra potius, uti aperte inobedientes,  
 „ac notorie contumaces, & refracta-  
 „rios habere, tenere ac reputare, &  
 „quoniam primo ipsi a Nobis, & sancta  
 „Romana Ecclesia, si minus expressis  
 „verbis, factis certe, pertinacisque &  
 „obduratæ mentis multiplici significa-  
 „tione recesserunt, illos similiter a No-  
 „bis tanquam a nostra, & ejusdem sanctæ  
 „Romanæ Ecclesiæ charitate, prorsus  
 „segregatos haberi, nullamque proinde  
 „Nobis, & ipsi sanctæ Romanæ Ec-  
 „clesiæ

A a a 2



Sæc. XVIII. „clesiæ deinceps cum illis communio  
 A. C. 1718. „nem Ecclesiasticam extitutam, donec  
 „quod faxit Deus, integre resipiscant,  
 „rejectaque penitus audacia refragan-  
 „di, per exhibitionem veræ obedi-  
 „tiæ, quam complures eorum Romano  
 „Pontifici Beati Petri successori, ac Jesu  
 „Christi vicario in ipsamet solemnī pro-  
 „fessione Catholicæ fidei, interposita  
 „jurisjurandi religione, ad sancta Dei  
 „Evangelia sæpius sponderunt, pri-  
 „stinæ charitati, & unitati ab eadem  
 „Apostolica Sede restitui mereantur.  
 „Ad vos postremo, venerabiles Fra-  
 „tres, Patriarchæ, Primate, Archiepi-  
 „scopi, Episcopi, cæterique omnes Ec-  
 „clesiarum Præsules, gaudium nostrum  
 „& corona nostra, Apostolicæ dilectio-  
 „nis nostræ, sermonem convertimus,  
 „hortantes vos & obsecrantes in Do-  
 „mino, ut pro eo, quo polletis Passio-  
 „nali Zelo commissas vobis Christi oves  
 „a venenatis pascuis, id est profana-  
 „rum vocum, & doctrinarum novita-  
 „tibus sedulo arceatis, simulque patri-  
 „nam sollicitudinem nostram in revo-  
 „candis ad saniora consilia quibuscom-  
 „que dissidentibus efficacius adjuvetis,  
 „ita ut vobis indivulsam cum sancta  
 „Romana Ecclesia in doctrina fidei uni-  
 „tatem, quod jam plerique vestrum e-  
 „gregie præstitistis firmissime profiteamini.

Sæc. XVII.  
A. C. 1718:

„tibus, Christiani omnes agnoscant, vos  
 „longe ab iis esse, qui elongaverunt se  
 „a Nobis, ac illorum damnabilem in-  
 „obedientiam una nobiscum adversari  
 „& improbare, eosque, nisi resipue-  
 „rint, a communis societatis charitate  
 „prorsus alienos habere. Utinam qui  
 „paternis hactenus humilitatis nostræ  
 „vocibus reluctati sunt, vobis omnibus  
 „non modo arguentibus, obsecrantibus  
 „& increpantibus, sed & ab eorum  
 „consortio penitus abstinentibus, eru-  
 „bescant, confundantur & convertan-  
 „tur, detque illis Deus poenitentiam  
 „ad cognoscendam veritatem, ut se-  
 „cundum Apostolicam doctrinam id-  
 „ipsum tandem dicamus omnes, &  
 „non sint in nobis schismata: firmus  
 „autem perfecti in eodem sensu ut in  
 „eadem sententia, auxiliante nobis per  
 „omnia gratia Domini nostri Jesu Christi  
 „cui est honor & gloria in sæcula Amen. „

§. LXV.

*Pontificis epistola ad Regium Regni  
 Moderatorem.*

Hanc Constitutionem Pontifex sepa-  
 ratim ad Philippum Aurelianen-  
 sem Ducem Regni Moderatorem trans-  
 misit, postulans ab eo, ut Pontificiam  
 hanc animadversionem ac conatum sua  
 etiam

*Epist.  
Clem. XI.  
pag. 2206.*

A a a 3

etiam